

KJKP "VODOVOD I KANALIZACIJA" d.o.o. SARAJEVO
v.d. DIREKTOR
Izvod broj : 47/18

Sarajevo, 26.06 2018. godine

Na osnovu člana 64. stav 1. tačka b., člana 70. stav 1. 3. i 6. Zakona o javnim nabavkama (Sl. glasnik BiH br. 39/14)), člana 27. Pravilnika o nabavci roba, vršenju usluga i ustupanju radova KJKP "Vodovod i kanalizacija" d.o.o. Sarajevo, te člana 41. Statuta preduzeća, na preporuku Komisije za javnu nabavku broj 47/18 od 12.06.2018. godine, u postupku javne nabavke br. 47/18 „Dovođenje saobraćajnica u prvobitno stanje za Općinu Novi Grad“ donosi se :

O D L U K A

o izboru najpovoljnijeg ponuđača

Član 1.

Prihvata se preporuka Komisije za javne nabavke o izboru najpovoljnijeg ponuđača broj 47/18 od 12.06.2018. godine i ugovor za javnu nabavku usluga : „Dovođenje saobraćajnica u prvobitno stanje za Općinu Novi Grad“ – tender broj 47/18 dodjeljuje se ponuđaču: „Oxa“ d.o.o. Sarajevo, ponuda broj: 73/18 od 29.05.2018. godine, za ponuđenu cijenu od **249.350,00 KM** bez PDV-a, kao najbolje ocijenjenom.

Član 2.

Prijedlog ugovora o nabavci dostaviti će se na potpis izabranom ponuđaču „Oxa“ d.o.o. Sarajevo, po proteku od 15 dana, računajući od dana kada su svi ponuđači obaviješteni o izboru najpovoljnijeg ponuđača.

Član 3.

Ova odluka objavit će se na web stanici www.viksa.ba istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

Član 4.

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama.

O b r a z l o ž e n j e

Postupak javne nabavke pokrenut je Odlukom o pokretanju postupka javne nabavke broj : OP 47/18 od 20.04.2018. godine.

Javna nabavka je provedena putem otvorenog postupka nabavke.

Procijenjena vrijednost javne nabavke bez PDV-a iznosi : 250.000,00 KM.

Obavještenje o nabavci broj : 247-1-2-87-3-165/18 poslato je na objavljivanje na Portal javnih nabavki dana 24.04.2018. godine, a sažetak obavještenja o nabavci objavljen je u Sl. glasniku BiH broj : 27. od 27.04.2018. godine i Ispravka za Obavještenje o nabavci broj 247-1-2-87-8-171/18 poslata je na objavljivanje na Portal javnih nabavki dana 25.04.2018.godine, a sažetak Ispravke za obavještenja o nabavci je objavljen u Sl. glasniku BiH broj 27. od 27.04.2018.godine.

Komisija za javnu nabavku imenovana je Rješenjem br. 18-12-01/17 od 18.12.2017 godine, Rješenjem o izmjeni Rješenja o imenovanju Komisije za javne nabavke br. 23-02-01/18 od 23.02.2018. godine, i dopunskim Rješenjem članova komisije br. 47/18-1 od 20.04.2018. godine.

Komisija za javnu nabavku dostavila je dana 19.06.2018.g. Preporuku o izboru najpovoljnijeg ponuđača broj 47/18 u postupku javne nabavke usluga : „Dovođenje saobraćajnica u prvobitno stanje za Općinu Novi Grad“ - tender broj 47/18.

Komisija za javnu nabavku je sačinila odgovarajuće zapisnike u kojima je utvrđeno sljedeće:

- Da je ukupan broj pristiglih ponuda : 3 (tri) ponude, Konzorcij: „Autobasna“ d.o.o. Sarajevo i „Demus“ d.o.o. Sarajevo; „Oxa“ d.o.o. Sarajevo i „Beton Fresh“ d.o.o. Ilidža

- Da su blagovremeno zaprimljene : 3 (tri) ponude, Konzorcij: „Autobasna“ d.o.o. Sarajevo i „Demus“ d.o.o. Sarajevo; „Oxa“ d.o.o. Sarajevo i „Beton Fresh“ d.o.o. Ilidža

- Da nije bilo neblagovremeno zaprimljenih ponuda

- Da dostavljene ponude ponuđača Konzorcij: „Autobasna“ d.o.o. Sarajevo i „Demus“ d.o.o. Sarajevo; „Oxa“ d.o.o. Sarajevo i „Beton Fresh“ d.o.o. Ilidža ispunjavaju zahtjevane tenderske uslove prema obliku i potpunosti u smislu pripreme ponuda.

- Pregledom ponuda ponuđača Konzorcij: „Autobasna“ d.o.o. Sarajevo i „Demus“ d.o.o. Sarajevo; „Oxa“ d.o.o. Sarajevo i „Beton Fresh“ d.o.o. Ilidža konstatovano je da ponude ponuđača Konzorcij: „Autobasna“ d.o.o. Sarajevo i „Demus“ d.o.o. Sarajevo; „Oxa“ d.o.o. Sarajevo i „Beton Fresh“ d.o.o. Ilidža ispunjavaju kvalifikacione uslove, obzirom na iskazane zahtjeve ugovornog organa u tenderskoj dokumentaciji.

Pregledom ponude ponuđača Konzorcij: „Autobasna“ d.o.o. Sarajevo i „Demus“ d.o.o. Sarajevo konstatovano je da je isti dostavio Obrazac za ponudu - Aneks II; prilog 1., ali isti nije popunjen u skladu sa zahtjevima iz tenderske dokumentacije.

Naime, u Obrascu za ponudu, mjesto na kome je predviđeno da se upiše naziv ponuđača, ID broj ponuđača i adresa ponuđača, je popunjeno nazivom i podacima samo jednog člana konzorcija i to nosioca konzorcija „Autobasna“ d.o.o. Sarajevo dok drugi član konzorcija „Demus“ d.o.o. Sarajevo nije naveden.

Ovakvo postupanje navedenog ponuđača nije u skladu sa zahtjevom ugovornog organa koji je dat na samom obrascu za ponudu, ispod zahtijevanih gore pomenutih podataka, a koji glasi : *„Ukoliko ponudu dostavlja grupa ponuđača, upisuju se isti podaci za sve članove grupe ponuđača, kao i kada ponudu dostavlja samo jedan ponuđač, a pored naziva ponuđača koji je predstavnik grupe ponuđača upisuje i se podatak da je to predstavnik grupe ponuđača. Podgovarač se ne smatra članom grupe ponuđača u smislu postupka javne nabavke“.*

Konstatovano je i da je navedeni ponuđač u članu 2. „Nacrta Okvirnog sporazuma“ – prilog 8., izvršio ispravku datuma objave obavještenja o nabavci na portalu Javnih nabavki, na način da je raniji datum prepravio u novi datum. Navedena ispravka nije potvrđena potpisom ponuđača i nema datuma izvršene ispravke, te time nije postupljeno u skladu sa postavljenim zahtjevima iz tačke 17.1 „Način izrade ponude“ gdje je u okviru „Ispravke u ponudi“ jasno precizirano da ukoliko ponuđači vrše ispravke u ponudi, iste moraju biti urađene na način da su vidljive (ispravljeni podaci moraju biti vidljivi), potvrđene potpisom ponuđača i sa datumom izvršene ispravke.

Na osnovu gore navedenog, konstatovano je da dostavljena ponuda ponuđača Konzorcij: „Autobasna“ d.o.o. Sarajevo-nosilac konzorcija i „Demus“ d.o.o. Sarajevo – član konzorcija, nije pripremljena u skladu sa zahtjevima iz tenderske dokumentacije, zbog čega se ista odbacuje kao neprihvatljiva a sve u skladu sa odredbama člana 68. stav (4) pod i) Zakona o javnim nabavkama.

Pregledom ponude ponuđača „Oxa“ d.o.o. Sarajevo i „Beton Fresh“ d.o.o. Ilidža od strane stručnih lica za predmetnu nabavku konstatovano da ponude ponuđača „Oxa“ d.o.o. Sarajevo i „Beton Fresh“ d.o.o. Ilidža ispunjavaju postavljene zahtjeve u pogledu opisa predmeta nabavke i tehničke specifikacije.

Računskom kontrolom specifikacija ponuda ponuđača „Oxa“ d.o.o. Sarajevo i „Beton Fresh“ d.o.o. Ilidža konstatovano je da u ponudama „Oxa“ d.o.o. Sarajevo i „Beton Fresh“ d.o.o. Ilidža nema grešaka računске prirode.

Ugovorni organ dodjeljuje ugovor na osnovu sljedećeg kriterija: Najniža cijena (čl. 64. stav 1. tačka b) ZJN).

Tačkom 25. tenderske dokumentacije je predviđeno provođenje e-aukcije. U skladu sa navedenom tačkom, prije zakazivanja e-aukcije ugovorni organ u sistem e-Nabavke unosi sve prihvatljive ponude.

Od strane Komisije za javne nabavke konstatovano je da su prihvatljive ponude slijedećih ponuđača :

RB.	Ponuđač	Cijena početne ponude bez PDV-a
1.	„Oxa“ d.o.o. Sarajevo	249.910,00 KM
2.	„Beton Fresh“ d.o.o. Ilidža	249.960,00 KM

E-aukcija je u sistemu e-nabavke zakazana na dan 11.06.2018.godine u 13:00 sati. Iz izvještaja o toku i završetku e-aukcije, koji je preuzet iz sistema e-nabavke, je vidljivo da je e-aukcija trajala od 13:00 do 13:15 sati.

Izvještaj o toku i završetku e-aukcije sadrži i konačnu rang listu ponuđača kako slijedi:

RB.	Ponuđač	Cijena bez PDV-a
1.	„Oxa“ d.o.o. Sarajevo	249.350,00 KM
2.	„Beton Fresh“ d.o.o. Ilidža	249.650,00 KM

Za najpovoljniju ponudu ocjenjena je ponuda ponuđača „Oxa“ d.o.o. Sarajevo čija vrijednost ponude iznosi: **249.350,00 KM bez PDV-a.**

Iz gore navedenih razloga, primjenom člana 64. stav 1. tačka b. ZJN, donesena je Odluka o izboru najpovoljnijeg ponuđača kao u članu 1. ove odluke.

Pouka o pravnom lijeku :

Protiv ove odluke može se izjaviti žalba, najkasnije u roku od 10 (deset) dana od dana prijema ove odluke.

Dostaviti :
- Ponuđaču
- a/a

*Sr
Muzur
Muzur*



v.d. Direktor

Azra M

Azra Muzur, dipl.inž.građ.